

## Filimon

<sup>1</sup> Eta, Yesu Kerisoné ala yó mótu beteremótei, *dipula* beteró betere whí Pol, dạné no Timoti dámō wusuró bitu dapó. Ita, dą fea betą kutó ditere whí Filimon-paae dapó.

<sup>2-3</sup> Dạné ne Apiapaaekélé, dą Kótóné alamó betämó bóe beleratere whí Artipus-paaekélé, Filimon naao bepaae tourale wua du betere Keriso so whí feapaaekélé, dạné Aya Kótóró Tale Yesu Kerisotamoné hale hamokoróló tao sere ala wisiró hosaa muni deyóló mo dua betere alatamo dia tuämó mulópolo yae.

### *Talepaae mo kée yóló moma yale fo*

<sup>4-5</sup> E teteróló kaae tare Kótópaae momatere sukamó yä kisipa yó taru, Talepaae mo kée fo du beterapó. Ti noatepa meipó. So whí feané yäta, Tale Yesu Kerisopaae kisipa tiki tiró betóo, Kótóné wisiróló kae beteró betere so whí feapaaekélé yaala sókó fóo, du beterapó deté fole fo yälo wosetereteiné dapó. <sup>6</sup> Naaو tué tiki tiratere ala mepaae so whípaae yó materetei atima tuämó mo du oleyópolo yälo yä momarótú beterapó. Atétu, Keriso tuämó mole wisi wisi ala fea dạné sóró tarapóló mo diriyóló tué yaalopó. <sup>7</sup> No-ó, Kótóné wisiróló kae beteró betere so whípaae naao wisi ala erótú betaleteiné, atimané kisipa felérótua yalepó. Naaو atéró yaala sókó fole alané yälo hosaa diriróló, e mo doa hajné sukunótua yalepó.

*Pol-né Onesimas wisiyóló dape sónpóló yale fo*

8-10 Téyalepóló, dámō Keriso tuqmó bituraalu, yało yapaae i ala yae yóló halaainé enépatei, taaróló yaala sókó fole ala betené yapaae dua woseratapó. Ḳta Pol-né dapó. Ḳ otore yóló bitiré fóo, miókélé Yesu Kerisoné ala erótú beteremó *dipula* sóró betéró betóo iruraalu, yało naale Onesimas-mó kisipa mutu woseratapó. Ḳta, mo dirii képiné dokóló *dipula* betepa, ą yało naale aleyóló beterepó. 11 Take bitiré wouraalu, ama ya fasóló naao erae dere ala fea ama wisiyóló eréni, hale ḥoko beterepó. Atéyaletei, mió dámō wusuróné dere fo wosóló, dámō aqmó sukóló bituraalu, erae dere ala fea ama súmō eranérapó.

12 Ti ąta, mo yało hosaa mole naaletei, ya beterepaae wópóló momó dotonatapó. 13 Yesuné fo wisi yó mótu betalemó, *dipula* bemó dirii képiné dokóló betéró betepa, naao ę tao su betere kaae, ya betere sirimó ą bituraalu, ę tao sónpóló etamo betaai kisipa mualetei taaróló ya beterepaae dotonatapó. 14 Atéró ą etamo bituqtei, naao ai ala yae dere fo woseniruraalu, ą yało tanénipó. Naao ąpaae eraaire ala yało ya sérateremó ini, naao koleaané ąpaae hosaa muóló wisi ala eraasepóló, naao naase tuq i mulatere ape. 15 Kale seké ą yałamo betaletei, ya taaróló kae biti fele beteta, ti take yałamo betamó mo titóró beterópóló, kapala asiri kae beterótú yalepó. 16 I sekéta naao kutó diratere whj betepatei, ai tómó mió naao hosaa turó mole noplóló wisiyóló dape sae. Ti noatepae, ąta mo whjékélé betóo, Keriso nokélé betóo ereteiné ą mo yało hosaa mole notóró beterapó. Téreteiné

naao ą kilituraalu, ąpaae hosaa mo turó mulaalo ai ape.

<sup>17</sup> Atérené naaotamo dəmo Kótóné alamó betə kutó ditere whjpoló kisipa mutupa, ti naao ę wisiyóló dape saai yale sụ ą wisiyóló dape sae. <sup>18</sup> I sekénétamo me dowi ala ó naao əlakó əlémi sale kwia mupa, ti yalotei tokó melaalopa, ępaae yae. <sup>19</sup> Eta, Pol-né mo yalo naasenétei i asé dapa kelae. Ai kale kwia yalotei melaalo ai ape. Ti ya betere beteta, naaotei tué muae. Yalo yapaae erale ala eróluğameisóró, ti ya atéró bituğameipó. Atéyale alané yapaae kwia mupa həkearóló uatei, me əla meipóló taalatapó. <sup>20</sup> No-ó, dəmo wusuró Talené ala tuğmó bituraalu, yalo enée yóló mutere kisipa mió naaomo ępaae eraasepólópó. Atétepa, ti dəmo Yesu Keriso tuğmó bitu, yalo kisipa tiki felératere ala yaalo ai ape. <sup>21</sup> Yalo dere fo naao mo wosóló eraalopóló kisipa muturaalu, yapaae i asetere ape. Ti noatepa meipó. Yalo i eraasepé dere fo naao mo wosóló eróturaalu, naaomo tómó belearóló eraalopóló kisipa mutapó.

<sup>22</sup> Téró, fo meta i ape. Eta waalopa, fiyaaire tiki betə donoróló mulae. Ti noatepae, naao Talepaae momayale ala Kótóné wosóló, take dəmo wusuró betğmó bitu yale kaae, miókélé atéró betğmó betaai kisipa mutapó.

<sup>23</sup> Yesu Kerisoné ala erótü betepa, etamo betğmó *dipula* sóró beteró betere whj Epapras-nékélé yapaae koleó dapó. <sup>24</sup> Etamo betə kutó ditere whjrape Mark, Aristarkus, Demas, Luk ai whjrape atimanékélé diapaae koleó fo i dere ape.

<sup>25</sup> Tale Yesu Kerisoné ama həle hamokoróló tao sere ala wisinaale, naao kepe bete tuğmó

mulópóló yae.

**Yesu Kerisoné So Whi Tao Sere Kisi Fo Wisi  
The New Testament in the Falopa Language of Papua  
New Guinea**

copyright © 2005 Wycliffe Bible Translators, Inc.

Language: (Falopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

---

PDF generated using Haiola and XeLaTeX on 22 Feb 2024 from source files dated 31 Aug 2023

0102a9df-173c-5a64-b766-14ab67a86105